



SULEQATIGIISITSISUT  
SAMARBEJDSPARTIET  
EM2019/22  
Tillie Martinussen

30. september 2019

**Uunga siunnersuut: Inuussutissat pillugit Inatsisartut inatsisaat nr. xx, xx. xxx 2019-imeersoq.**

(Aalisarnermut, Piniarnermut Nunalerinermullu Naalakkersuisoq)

Nerisassat imeruusaatillu nunarsuarmi pitsaanerpaajupput.

Nerisassat nammineq piasarisagut pingaartinnerpaasatta ilagaat, aamma najukkani nerisassiasaatit inuiattullu nerisassiaatit uummatitsinniipput, ataatsimoornermi nerisarpagut inuulluartitsisarpullu.

ullutsinnut naleqquttuik atorneqarluarsinnaasumillu Naalakkersuisut inatsisiliornerat pillugu nersungaarpagut. Immikkoortumi uani ilinniartunillu inissiaateqarnermi taamaalilluni alloriartoqarpoq inatsisit pitsaanerusut atorneqarsinnaanerusullu suliarineqarput. Tamanna atorfissaqarteqaarput. Kaammattuilaarneq tassaavoq isumaginninneq ilaqutariillu pillugit inatsisilioritsi nalunaarutinillu suliaqarlusi. Pisariaqartinneqaqaat.

Kisianni nerisassat imeruusaatillu uterfigalugit. Nunarsuarmi piffissami inuussutissat iganissaat, nerinissaq imeruersarnissarlu naammapput.

Tunisassiornermut aamma nerisasassanik imeruusaatinillu tunisassiorneq, imeq tassani ilaalluni, nunatsinni immikkoortumi kaammattuutigit eqqaasitsissutigissavagut, Naalakkersuisullu qinnuigalugit imermik tatsinillu imeqarfinni salisarnermut periusissiamik imaluunniit nalunaarummik nutartikkamik suliaqaqqullugit.

Nuummi taseq imeqarfik akuttunngitsumik mingutsinneqartarpoq, Uummannami eqqakkanik ikuaallaavimmit imermut nakkaasoqarnera misissortariaqarparput sinerissamilu illoqarfinni nunaqarfinnilu allani eqqakkanik ikuaallaanermut tunngatillugu assinganik misissuilluni nangitseqqittoqartariaqarpoq. Imissaq sorujoqanngitsoq inuttut pisinnaatitaaffinnaanngilaq. Aamma peqqisutsimut ajoqutaariaannaasorujussuuvoq.

Nunatsinni immisatta mingoqanngitsup mingutsinneqanngitsullu piginnarnissaata oqaloqatigiissutiginnissaa amigaataavoq, taamaammat matumuuna kaammattuut nunatsinni imissamik pissarsivigisartakkagut sukumiisumik misissoqqissaarneqarlik siunissamullu qularnaarneqarlutik mingutsinneqaratillu pisullu ilaanni; mingutsinneqareersimassanngitsut.

inuussutissanik missueqqissaartarnermut pilersuivinnullu tunngavigalugu Naalakkersuisut apererusuppagut inuussutissarsiutigalugu sunngiffimmilu piniartunut inuussutissanik tuniniaasartunut immersugassat atortullu atorneqarsinnaasut suliariniarneraat? Taamaalillutik internetimi aasinnaaniassammattigit assersuutigaluguluunniit piniarsinnaanermut akuersissutinillu tunniussinernut peqatigitillugu tunniunneqarsinnaasarniassammata, imaluunniit piffissat piniarfissat aalisarfissallu nallerneqaraangata pasisitsiniaasarnissaq qulakkeerniarneraat?

Nutaanik suliniuteqarnermi innuttaasunut qaammarsaanissaq pingaaruteqarpoq.

Aamma nutsinni suiffeqarfiit mikisut eqqarsaatigalugit pingaaruteqarpoq. Naalakkersuisut tamanna ilanngussimagaat aamma takusinnaavarput. Savaatillit, naatsiiyanik naatitsisartut, tunisassianik taakkuninnga piasartut assersuutigalugulu inuusuttortagut Inuilimi ilinniartut tunisassiamik piunasaqaatit atorneqarluarsinnaasut atorlugit siaruarternissaannut tuniniarnissaannullu periarfissaqassapput, soorunami



SULEQATIGIISITSISUT  
SAMARBEJDSPARTIET

tunisassiat peqqinnartuunissaat nutaajunissaallu piumasaaqatigalugu.

Aamma siunnersuutigissavarput Savalimmiut Islandilu § 30-mi tunisassiassat pillugu immikkoortumi nunat ilanngunneqarsinnaasut allassimassasoq. Taamaangippat Europa aamma Kalaallit Nunaat sooq kisimik innersuunneqarnerat apeqquteqaateqartariaqarpugut?

Qularutissaanngilaq pineqarunartoq tassaassasut nunat inuussutissat isumannaatsuunissaannik annertuunik piumasaaqateqartut akiitussanillu akuinut malittarisassaqaqtut ilaalu ilanngullugit. Kisianni Suleqatigiissitsisut isumaqarput Island Savalimmiullu taamatut pitsaatigisunik malittarisassaqaqtut uanilu ilanngunneqarluarsinnaasut.

Naalackersuisut aamma apererusuppagut nunami tamarmi inuussutissanik siunissami nakkutilliinissaq qanoq eqqarsaatigeneraat. Nakkutilliisut tamassuminnga suliaqarnissamut ilinniarsimasut amerlanerusut isumaginissaat eqqarsaatigaasiuk? Tamanna pillugu eqqarsaatisi suuppat?

Aamma aperissaagut suliffeqarfinni inatsimmi uani ilanngunneqartuni aningaasatigut, akileraartarnikkut naatsorsuutinullu nalunaarsuisarnermi pissutsinik paasisaqarnissaq Naalackersuisut kissaatigeneraat? Suliffeqarfiit pillugit inatsisit, akileraartarnermut aqutsisoqarfimmut allamuluunniit inissinneqartariaqanngillat? Aalangersakkami tassani suna siunertaava?

Aamma oqaaseqaatini malugivarput inatsisip uuma atuutilersinneqarata pitsaasuunissaa qulakkeerniarlugu Naalackersusit Namminersorlutik Oqartussani suleqatigiissitamik pilersitsiniartut. Naalackersuisut suleqatigiissitaliami tassani kikkut ilanngunniarpaat? Tamannalu avammut nalunaarutigineqassava, suleqatigiissitaliami tassani peqataasinnaanngitsut eqqarsaatsiminnik siunnersuutiminnillu Naalakkesuisut nassiussaqaarsinnaaniassammata? (Oqaaseqaatini qup. 12, Pisiffimmit akissut).

Taamatut oqaaeqarluta siunnersuutip uuma ataatsimiititaliami sukumiisumik suliarineqarnissaa inassuteqaatigaarput, siunnersuulli tassanilu siunertat tunngaviusut pitsaasutut isigaagut.

Isumassarsivissorpugut.

Perliliummilaarlutalu.

Qujanaq.